



Réguli nòi da la primma dì d'abbrili

Pa' l'ubbrìcu di sulitài, da lu mesi d'abbrili toccarà chi stòchia chjusu in casa sòlu cal'à presu lu virus.

Cal'à àutu, invècci, un cuntattu strintu cu' un pusitivu, arà di trattà la mascarina Fffp2 pa' 10 dì da l'ultimu cuntattu e dapoi fà un tamponi siddhu cumparini li primmi sintumi e siddhu ancóra chena sintumi, dapoi di 5 dì da la data di l'ultimu cuntattu.

Illu decretu, si legghji ancóra chi “è fattu ubbrìcu di no muissi da casa pa' li passòni chi àni di stà in sulitài inghittàti pa' pruvvèghju di l'autoritài sanitaria stendi risultati pusitivi a lu Sars-CoV-2, finza a cumpruà di esse sanàti”.

La sulitài comprarà candu lu tamponi sarà negativu e dapoi d'aé mandatu, ancóra in modu elettronico, lu risultatu negativu a lu dipaltimentu di prevenzioni di lu tirrittòriu ingarrigatu.

Sempri da la primma dì d'abbrili venarà mancu lu módu di rasgiunà a culóri pa' li regioni ma sigarà l'avvilguamentu.

Pa' la Ciltifficazioni 'èldi, comprarà l'ubbrìcu di chissu rinfuzàtu pa' li chi àni più di 50 anni chi àndani a trabaddhu.

No selvarà più nemmancu pa' alzà innantu a li mezi pùbbriichi ome pustàli, tram e metro.

No sarà più nizissariu mancu ill'uffici pùbbriichi, pa' intrà illi bruttèi, illa banca, illa posta e illu stangu.

Compri l'ubbrìcu di la Ciltifficazioni 'èldi ancóra illi ciddhèri e ristoranti a l'abbaltu. Compri ancóra la carantèna pa' cuntattu cu' un casu pusitivu a lu Covid.

Da la primma dì di magghju, invece, comprarà l'ubbrìcu di la Ciltifficazioni 'èldi quasi in dugna lócu. Finza a chissa data selvarà ancóra pa' Sali di baddhu, cungressi e eventi sportivi a lu chjuso, mensi, cuncursi pùbbriichi e andà a agattà la ghjendi illi galéri, appiù di li treni, apparecchi e pustali chi facini ghjètti lònghi.

Progèttu:

“DA LI STAZZI A LU MARI”

Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018 – annualità 2021